

**Uunga siunnersuut: SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. xx, xx.xx.2015-imeersaq**  
(Naalakkersuisut Siulittaasuat)

**Akissuteqaat**

(Naalakkersuisut Siulittaasuat)

**Pingajussaanneerinnineq**

Naalakkersuisut sinnerlugit Sanaartornermut Ataatsimiititaliaq Sikuki Nuuk Harbour A/S pillugu Inatsisartut inatsisissaattut siunnersuutip Inatsisartuni pingajussaanneerineqarnissaanut tapiliussamik isumaliutissiisuteqarneranut qutsavigaara.

Tapiliussatut isumaliutissiisummi Sanaartornermut Ataatsimiititaliap oqaatigaa, apeqqutit Sikuki Nuuk Harbour A/S pillugu inatsisissatut siunnersuutip suliarineqarnerata nalaani apeqqutigineqartut ilarpassui Naalakkersuisut umiarsualivinnut inatsisissamut nutaamut siunnersuutaannut Ataatsimiititaliap isumaliutissiisutaani paasineqartut aammalu Naalakkersuisut apeqqutit sinnerinut akissuteqarsimasut. Ataatsimiititaliaq eqikkaavoq tamanna tunngavigalugu siunnersuutip annertunerusumik suliarineqarnissaa pisariaqartinneqartoq ataatsimiititaliaq isumaqarsimangitsoq.

Sanaartornermut Ataatsimiititaliap isumaqatigiittup siunnersuutip taamatut iluseqarluni akuerineqarnissaanik inassuteqarnerat tunngavigalugu, Naalakkersuisut sinnerlugit Inatsisartut inatsisissatut siunnersuummik piumassuseqarluarlutik suliarinninnerannut qutsavigaakka aammalu matumani pingajussaanneerinninnermi inatsisissatut siunnersuut taamatut iluseqartillugu Inatsisartut akuersissagaat inassutigalugu.